

大同府志卷之八

大同府知府吳輔五纂輯

巡幸

大同為冀州北境恒山峙其南古者歲十一月北巡狩
至於北嶽所以考制度正禮法省風俗明黜陟甚盛典
也秦漢以來長駕遠馭之畧或及或不及焉而北魏啟
基雲代遼則陞為西京車轍馬跡之所至又史不勝書
矣

昭代時巡載舉與唐虞比隆郡雖介居邊徼實惟右翊迄
今望

大同府志

卷之八

巡幸

翠華而呼嵩者猶詠蹈鼓舞弔裝何其幸歟志巡幸

唐虞天子五載一巡狩歲二月東巡狩至於岱宗柴望秩
於山川肆覲東后協時月正日同律度量衡修五禮五
玉三帛二牲一死贊五月巡狩至南嶽八月巡狩至西
嶽十一月巡狩至北嶽皆如岱宗之禮

夏禹治水相山川之便利自冀州始及攝位巡狩度弱水
登鍾山遂得靈寶真文封之北岳

周成王巡狩至於北嶽北方諸侯朝於明堂

穆王北巡至於鏐山之際東升三道之陞獵於山北大風
雨雪作黃竹之詩以歸

秦始皇二十九年過恆山

三十二年幸碣石遂巡北邊

漢高帝七年冬十月帝自將擊韓王信距漢上從晉陽乘勝逐北遂至平城

文帝十一年冬十一月行幸代春正月上自代還

後三年春二月行幸代五年秋七月復幸

武帝元封元年冬十月帝親帥十二部將軍巡邊行自雲陽北歷上郡西河五原出長城北登單于臺是年夏東幸碣石自遼西歷北邊九原歸於甘泉

四年冬北出蕭關歷獨鹿鳴澤自代而還

大同府志

卷之八

巡幸

二

天漢三年春三月帝幸北地祠恆山瘞元玉

章帝元和三年春北巡狩二月進幸中山遣使者祠北嶽出長城三月車駕還宮

北魏太祖登國元年春二月幸定襄之盛樂息衆課農冬十月帝自弩山遷幸牛川屯于延水南出代谷會慕容賀麟於高柳

二年冬十二月巡松漠還幸牛川五年夏六月復幸秋八月又幸

六年秋七月講武於牛川

十一年冬十一月帝討慕容寶至參合口破

皇始元年春正月大蒐於定襄之虎山

天興元年春正月車駕次於恒山之陽秋七月遷都平
城

六年秋七月車駕北巡築離宮於材山縱士校獵東北
踰巖嶺出參合代谷九月行幸南平城規度灑南面夏
屋山背黃瓜堆將建新邑

天賜元年冬十二月車駕幸材山宮是年至五年凡四
幸

三年春正月車駕北巡校獵至屋孤山二月幸代園山
建五石亭秋八月行幸青牛山西登武要北原觀九十

大同府志

卷之八

巡幸

三

九泉

四年夏五月北巡自參合陂東過蟠羊山大雨暴水途
東北踰石漠至長川

五年春正月行幸材山宮遂如參合陂觀漁于延水
太宗永興二年夏五月帝幸參合陂

四年秋七月東巡大獮於石會山冬十二月車駕北巡
至長城而還

五年春正月大閱於東郊帝臨白登躬自校覽二月幸
高柳川秋七月南次定襄八月還臨白登數軍實

神瑞元年春二月幸材山宮夏六月復幸明年冬十一

月又幸

二年夏四月車駕北巡五月次於參合冬十月行幸沮
泅城

泰昌元年春正月行幸材山宮夏六月車駕北巡秋七
月大獵於牛川

二年夏四月幸高柳

三年夏四月幸代至鴈門闕望祀恒嶽

四年夏四月南巡幸鴈門五月觀漁於灑水賜所過無
出今年租賦

六年夏六月北巡至蟠羊山冬十月行幸代

大同府志

卷之八

巡幸

四

七年冬十月車駕南巡出自天門闕踰恒嶺

八年夏五月帝自鄴還次鴈門皇太子率畱臺王公迎
於勾注之北六月北巡至於參合陂

世祖始光三年秋七月築馬射臺於長川帝親登臺觀王
公諸國君長馳射賜中者金錦繪絮各有差

神麇元年夏六月行幸長川冬十月北巡畋於牛川

三年秋八月行幸南宮獵於南山

太平真君二年春正月行幸溫泉

四年春二月車駕至於恒山之陽詔有司刻石立銘

五年秋九月帝自河西至於馬邑觀於崞川

高宗興安二年夏五月行幸崞山

興光元年冬十一日帝自中山還幸靈邱至溫泉宮

太安三年春正月畋於崞山

和平元年春正月帝自冀州北過恒嶽禮其神而還

二年春二月車駕至靈邱南山詔羣官仰射山峰無能

踰者帝彎弧發矢出山三餘丈過山南二百二十步

遂刻石勒銘

三年春二月畋於崞山遂觀漁於旋鴻池

顯祖皇興元年秋八月行幸武州山石窟寺

二年夏五月畋於崞山冬十月畋於冷泉

大同府志

卷之八

巡幸

五

三年夏四月畋於崞山

四年冬十二月幸鹿野苑石窟寺

高祖延興五年夏五月幸武州山

太和元年夏四月幸白登山五月車駕祈雨於武州山

俄而澍雨大洽

二年春二月行幸代之湯泉所過問民疾苦夏四月幸

崞山是年至八年凡四幸

三年春二月幸代郡溫泉秋八月幸方山起思遠佛寺

是年至十四年凡十五幸

四年夏四月幸白登山五月幸火山秋八月幸武州山

石窟寺六年春復幸七年夏又幸

五年夏四月行幸方山建永固石室立碑銘於庭

八年夏四月行幸旋鴻池

九年夏六月幸靈泉池是年至十四年凡十幸秋八月

幸彌澤登牛頭山

十三年秋七月幸靈泉池與羣臣御龍舟賦詩

十五年秋七月車駕巡省京邑聽訟而還

十六年春二月巡省京邑聽理冤訟三月復巡省京邑

十八年春二月車駕自鄴北巡閏月癸亥次勾注陞南

壬申至平城宮甲戌謁永固陵壬辰帝臨太極殿論在

大同府志

卷之八 巡幸

六

代羣臣以遷移之畧秋八月北幸懷朔武川撫冥柔元

諸鎮所過皆親見高年問民疾苦貧窘孤老賜以粟帛

二十一年春正月車駕北巡二月癸酉車駕至平城甲

戌謁永固陵

北齊文宣帝天保三年帝親將師克捷於代郡獲畜十餘

萬分賚將士各有差

五年夏四月帝自晉陽至恒州黃瓜堆

隋煬帝大業三年夏四月車駕北巡六月至鴈門論邊郡

文武朝於行宮飾廬清道以候乘輿奉觴上壽夏賜極

厚

四年春二月車駕出塞巡長城秋八月親祠恒嶽河北道郡守畢集免所經郡縣租調一年

十一年秋八月帝自太原巡北塞幸鴈門

遼太宗天顯九年秋八月帝自將南伐九月次雲州拔河

陰冬十月畧地靈邱

十一年自將入鴈門冬十二月還幸應州唐大同彭國振武三節度使迎見畱之不遣

穆宗應歷三年春三月如應州

十八年獵於西京諸山

景宗保寧四年秋七月如雲州

大同府志

卷之八

巡幸

七

乾亨四年秋八月如西京九月幸雲州獵於祥古山

統和十六年秋九月駐蹕得勝口

十八年秋七月駐蹕於湯泉

二十年春三月駐蹕於鴛鴦灤是年至開泰九年凡六

幸

二十三年冬十一月觀漁桑乾河

興宗重熙六年夏四月獵野狐嶺

十一年春二月如鴛鴦灤十四年春又幸十八年春又

幸

十一年帝親征夏國會大軍於九十九泉冬十一月

西京

道宗清寧六年春如鴛鴦灤是年至太康六年凡五幸

咸雍四年春正月獵炭山振西京饑民

九年冬十月幸陰山遂如西京詔行幸之地免租一年

大安六年春二月駐蹕雙山

壽隆三年春正月駐蹕雙山

天祚乾統五年春二月幸鴛鴦灤是年至保大二年凡六幸

天慶九年秋九月幸西京十年冬復幸

金世宗大定六年春二月上如西京朝謁太祖廟夏五月

大同府志

卷之八

巡幸

八

幸華嚴寺觀故遼諸帝銅像詔雲中大同縣及警巡處

給復一年六月獵於銀山

二十七年秋獵八月次雙山子

元太祖六年春二月帝自將南伐克捷於野狐嶺取大水

灤豐利等縣

太宗二年夏五月避暑於九十九泉秋八月幸雲中

英宗至治元年秋八月車駕駐蹕興和

二年秋七月戊午車駕次應州曲赦金城縣囚辛酉

渾源州

明成祖永樂十二年春二月親征至大同夏四月次興和

二十一年夏六月親征

谷

英宗正統十四年秋七月親征率五十萬人出居庸關西
午次陽和八月戊申次大同

武宗正德十二年秋九月帝如陽和冬十月帝親督諸軍
巡邊駐蹕大同

國朝

聖祖仁皇帝康熙三十五年親征厄魯特噶爾丹冬十二月
自塞外

回鑾十一日 幸雲岡石佛寺次日 幸大同郡城小民
扶老攜幼跪迎道左

大同府志

卷之八

巡幸

九

天顏愉悅聽民瞻仰敬設

行宮於在籍松潘總兵臣高鼎家十三日東行 幸陽高

衛十四日 幸天鎮衛皆

駐蹕焉是年欽奉

上諭康熙三十六年大同府屬州縣衛所應徵地丁銀米着

全與蠲免浩蕩

鴻恩亙古未有臣民感戴於府城東關外建造

萬壽亭勒石恭紀

大同府志卷之八終